

Ն. Ս. Օ. Տ. Տ. ԳԱՐԵԳԻՆ Բ. ԱՍԵՆԱՅՆ ՀԱՅՈՑ ԿԱԹՈՂԻԿՈՍԻ
 ԽՈՍՔԸ ՅԵՂԱՍՊԱՆՈՒԹՅԱՆ ՀԱՅՏԱԳՈՐԾՈՒԹՅԱՆ ԶՈՒԵՐԻ
 ԻՆՇԱՏԱԿԻ ՈՒ ԱՐԺԱՆԱՊԱՏՎՈՒԹՅԱՆ
 ԵՒ ԱՅՂ ՀԱՅՏԱԳՈՐԾՈՒԹՅԱՆ ԿԱՆԽԱՐԳԵԼՄԱՆ
 ՍԻՋԱԶԳԱՅԻՆ ՕՐՎԱ ԱՌԻԹՈՎ

(9 դեկտեմբերի, 2016 թ.)

Մեծարգո՝ Նախագահ ՀՀ Սահմանադրական դատարանի,

Հարգարժա՛ն ներկայացուցիչներ պետական իշխանությունաց եւ դիվանագիտական առաքելություններ,

Սիրելի՛ ներկաներ.

Ողջունում եւ Հայրապետական մեր գնահատանքն ու օրհնությունն ենք բերում ամենքիդ, որ ընդառաջ Մեր Հրավերին՝ եկել եք մասնակցելու Հիշատակի այս արարողությանը: Այսօր մենք նշում ենք Ցեղասպանության Հանցադործության զոհերի Հիշատակի ու արժանապատվության եւ այդ Հանցադործության կանխարգելման միջազգային օրը:

Ցեղասպանությունը ծանրագույն հանցանք է՝ ուղղված մարդկության դեմ, որը, ցավոք, շարունակվում է եւ մեր օրերում: Մեր ժողովուրդը, դժբախտաբար, սահմանումներով չէ, որ ծանոթ է ցեղասպանությանը ու նաեւ՝ այդ Հանցադործության ժխտողականության դառնությանը: Ցեղասպանության վիշտը կրում են նույնպես Հույն, ասորի, հրեա, եզդի մեր եղբայր ժողովուրդները, որոնց ներկայացուցիչները մասնակից են Հիշատակի այս արարողությանը:

Ի. դարի առաջին կեսին Հայերի եւ ապա հրեաների ցեղասպանությունները ահագանգ եղան ազգերի համար՝ ընդունելու Ցեղասպանության մասին կոնվենցիան: Կոնվենցիայի ընդունումից տասնամյակներ անց ականատես եղանք ցեղասպանությունների Կամբոջայում, Ռուանդայում, Դարֆուրում եւ այլուր: Այսօր Մերձավոր Արեւելքում պատերազմական իրավիճակներում բռնությունների եւ ցեղասպան դործողությունների են նվթարկվում ազգային եւ կրոնական փոքրամասնություններ՝ եզդիներ, քրիստոնյաներ, ինչպես եւ՝ մահմեդականներ:

Մենք որպես ժողովուրդ, որը վերապրել է Ի. դարի առաջին ցեղասպանությունը, նախանձախնդիր ենք՝ աջակցելու միջազգային հանրության ջանքերին՝ ուղղված մարդկության դեմ գործվող հանցադործությունների կանխմանը: Նման ոճիրների պատճառները գտնվում են նաեւ համընդհանուր դատապարտման բացակայության եւ անպատժելիության մեջ: Հա-

մընդհանուր ընդվզում եւ ջանքեր են պետք՝ արմատախիլ անելու համար այսօր հաճախեալ դարձող ազգայնամոլութեան դրսեւորումները, կրօնական պատկանելիութեամբ պայմանավորված ատելութիւնը, որոնք ծնունդ են տալիս իրավունքների ոտնահարման, բռնութիւնների եւ ոճիրների: Յեղասպանութիւնների եւ նման հանցագործութիւնների կանխարգելումը պահանջում է միջազգային հանրութեան կամքը, պետութիւնների հստակ դիրքորոշումն ու հանձնառութիւնը՝ բացառելով քաղաքական նպատակահարմարութիւնները:

«Խաղաղութիւն եւ թողնում ձեզ, իմ խաղաղութիւնն եւ տալիս ձեզ. ձեզ չեմ տալիս ինչպէս այս աշխարհն է տալիս. ձեր սրտերը թող չխռովուեն, եւ չվախենաք» (Յովհ. Ժ. 27): Ս. Հովհաննես ավերտարանիչը փոխանցում է մեր Տիրոջ պատգամը, որով Տերը սփոփում է բոլոր նրանց, ում սրտերը խռովված են, եւ ովքեր տանջվում են ամեն տեսակ փորձութիւններից՝ թե՛ հոգեւոր եւ թե՛ ֆիզիկական: Նրա պատգամը իրական հրավեր է մեզ բոլորիս՝ մասնակցելու սիրո եւ խաղաղութեան սփռման իր առաքելութեանը: Ավելին, մենք կոչված ենք կարեկցանք եւ աջակցութիւն դրսեւորելու մեր եղբայրների ու քույրերի հանդեպ, քանզի ամեն անգամ, երբ մարդկութիւնը լցվում է ատելութեամբ, ցասումով եւ նախանձով՝ փոխանակ սիրո եւ հանդուրժողութեան, դառնում է անտարբեր ուրիշի ցավի եւ կորստի նկատմամբ, ուստի եւ՝ անուղղակիորեն աջակցում է ցեղասպանութիւնների իրագործմանը:

Մենք աղոթում ենք՝ Հայցելով մեր սուրբ նահատակների բարեխոսութիւնը, որ աշխարհում խաղաղութիւն հաստատվի, հատկապէս այնտեղ, որտեղ այժմ խաթարված է բնականոն կյանքը, ընթանում են պատերազմներ, տեղ գտնում բռնութիւններ: Մենք աղոթում ենք նաեւ մարդկութեան թշնամիների համար, որ իրենց եւս շնորհվի սիրո եւ կարեկցանքի զգացում այլոց հանդեպ:

Այսօր աշխարհի բազում անկյուններում մարդիկ հավաքվում են՝ վկայակոչելու ցեղասպանութիւնների զոհերի հիշատակը: Հայոց հոգեւոր կենտրոն Մայր Աթոռ Սուրբ Էջմիածնից մենք միավորում ենք մեր աղոթքները աշխարհի բոլոր կողմերում տարբեր ազգութեան մեր հազարավոր քույրերի ու եղբայրների ձայնին՝ հուսալով, որ այդ ձայները, վերառաքվելով առ Բարձրալ Տերը, իրենց արձագանքը պիտի գտնեն մարդկանց սրտերում՝ հանուն մարդկութեան դեմ գործված բոլոր ոճիրների ճանաչման եւ դատապարտման՝ ի խնդիր ցեղասպանութեան ահապոր ոճրի կանխարգելման եւ խաղաղ ու ապահով կյանքի կերտման:

Ռոդ մկր Տիկոյ սկսյր, իսայադոթյունն ու ողորմոթյունը լինեն մեզ հետ եւ սալնարի՝ այսօր եւ միշտ եւ հաւիարյանս. ամեն:

ԳԱՐԵԳԻՆ Բ.

ԿԱԹՈՂԻԿՈՍ ԱՍԵՆԱՅՆ ՀԱՅՈՑ



Համընդհանուր ընդվզում եւ ջանքեր են պետք՝ արմատախիլ անելու համար այսօր հաճախադեպ դարձող ազգայնամոլության դրսևորումները, կրոնական պատկանելիությամբ պայմանավորված ատելությունը, որոնք ծնունդ են տալիս իրավունքների ոտնահարման, բռնությունների եւ ոճիրների
(Ն. Ս. Օ. Տ. Տ. Գարեգին Բ. Կաթողիկոս Ամենայն Հայոց)



Յեղասպանությունների եւ նման հանցագործությունների կանխարգելումը պահանջում է միջազգային հանրության կամքը, պետությունների հստակ դիրքորոշումն ու հանձնառությունը՝ բացառելով քաղաքական նպատակահարմարությունները
(Ն. Ս. Օ. Տ. Տ. Գարեգին Բ. Կաթողիկոս Ամենայն Հայոց)